

مکتبہ اسلامیہ

۱۹ بجی سنہ

سنہ ۱۳۱۷

جزء، عدد : ۸۶





انکلیزجه دن مترجم ملاحظات حکمیه

وجدان صحیح، عقل سلیم انسانی بختیار ایدر .

فلسفه، اکدار و مصائبه قارشو صبر و تحملی توصیه، دین ایسه سعادت و یا ادبارک تابع مقدرات اولدیغنی تلقین ایله تسلیمیتی امر ایدر .

فضیلت، فکره علو و رفعت بخش ایدر . جهالت ایسه آنی تدلیل ایدر .

ظرافت، شیوه افاده منری تحت انتظامه آلور . اطوار و اخلاقنری تصحیح ایدر . مشرب و طبعمرزه اعتدال بخش ایدر .

حقیقی جسامت، معصیتدن بشقه برشیدن قورقماقدیر .

تسلیمیت، غضبه گلش انفعالاتنری، طوغری سوز شداندافکار منری تعدیل ایدر .

یأس ایله محجوبیت، تبلیک ایله ایشسزلگی تعقیب ایدر .

خود پسندلک، حدناشناسلق، معندلک برگنجک پک چوق امیدلرینی بر آنده محو ایدر .

سوز، اوق گبی در . راست گله آتلاملیدر .

اضطراب وجدان بر بارکراندر .

حسد عمری قیصالدیر . اضطراب درون ایسه انسانی وقتندن اول اختیارلدر .

*

استقامتک تأسس ایتدیگی یرده دوستلغک وجودی یوق گبیدر .

*

حقیقی دوستده یالانجیاق وریا کارلق یوقدر .

*

کندینی عالم کوسترمک آرزوسنده بولنانلر . هرشیدن پک جزئی بحیثه مقتدر اولانلردر که حقیقی برمتعلم بونلردن ایودر .

*

حقیقی فضل وکمال اکثریا ، طوروحالندن برشی مأمول اولنهمیان کیمسهلرده اختفا ایدر .

*

فضل وکمالی مسلم اولانلره بلا منفعت محب اولکیز .

*

امیدلرکڑک بوشه حیقماسنی ایسترسه کڑ هرشینه امیدوار اولمیکیز .

*

مقاصد مشروعهیی لزومسز یره توقف ایدرک قوّه برافیکیز .

*

وجوده فائدهلی وکیسهیه ضرر ویرمیان اکلنجهلر انتخاب ایدیکیز .

*

نوع بشردن برعضو اولدیغکیزی اصلا اونوتمیکیز .

*

وعد ایدوبده انجهاز ایتمینلر دوستلرینه قارشو برجرم ایقاع ایتمش اولورلر .

*

کندی نفسلرینه حکمی زور کچنلر . بشقلرینک خطالرینه مسامحه ایتلیدرلر .

*

دوستلرینک نصایحنی استخفاف ایدنلر ، نتیجه تعندلری اولان بلایه مستحق

اولانلردر .

*

مکافاة داعیهسنده بولنانلر اکثریا آکا استحقاقی اولمیانلردر .

*

انتظام اوزره بیانلر ، اعتدال اوزره ایچنلر ، اکثریتله مطالعه ایدنلر ،

مسعودانه یشایانلردر .

*

جمعیتده سکون و آسایشک استقراری اداره عدلیهجه مقرر اولان احکامک
اجراسنه وابسته در .

*

جیوه طوکدینی زمان میزان الحره درجه حرارتی ارائه ایده مدیگی گبی وجدانده
معصیتله آلوده اولورسه وظیفه مزی ارائهیه مقتدر اوله ماز .

*

کهواره حیانتکز اوزرنده ضیافشان اولان کونش ، مزارکز اوزرنده دخی
لمعه نثار اوله جقدر .

*

تهلکه و مخاطرهیه تصادف ایتماش جسارت ، مشکلاته دوچار اولمامش خدمت ،
انحرافه تشویق اولمامش استقامت هنوز معیارینی بولمامش آلتون قدر تقدیر
اوله بیلور . بناء علیه قیمت حقیقیه سی بحق تعیین ایدیه مزی .

*

عالم تعیب ایدر خولیا سیله حکم وجدانه مخالفت ، ضعف وجدانه علامت در .

*

سعادت دنیادن محرومیت قورقوسیه القآت وجدانییه مغایر حرکت ، کالات
فکریه نك بالکلیه فقدانسه اشارتدر .

*

همچنسمزك رفاه وسعادتلرندن بزده حصه یاب سرور اولملی یز؟ بوقسه آنلرک
استقبال وترقیلرینه نقیصه ایراث ایدر صورتده شکایتلرده بولنحق ، موفقیتلرینه حسد
ایتدیگمزی میدانه قویه رق کندومزه اضطراب ویرمکدر .

*

جاهلی تعلیم ، فقری تسعید ، قضا زده بی تخلیص ، فلک زده بی تسلی محظوظیت
وجدانییه حس ایتدیرن مقدس وظیفه لرنددر .

علم حقوقدن مأذون

رفعت مؤید

